



Mae rhaglen Sgiliau Bwyd Cymru a ddarperir gan Lantra yn cefnogi busnesau o fewn diwydiant prosesu a gweithgynhyrchu bwyd a diod Cymru i sicrhau bod y sgiliau a'r hyfforddiant cywir gan weithwyr ar gyfer eu busnes a'r diwydiant ehangach.

Mae datblygu cynaliadwy wrth wraidd ein deddfwriaeth sefydlu yng Nghymru ac i gefnogi Llywodraeth Cymru i gyrraedd ei thargedau ar gynaliadwyedd, mae'r prosiect wedi gweithio ar y cyd â Cynnal Cymru ac Eco Studio i ddatblygu Rhaglen Hyfforddiant Cynaliadwyedd yn benodol ar gyfer y diwydiant gweithgynhyrchu bwyd a diod.

Pwrpas y cwrs hyfforddi yw rhoi'r wybodaeth a'r sgiliau i gyfranogwyr ddatblygu systemau a gweithredoedd sy'n briodol i'w sefyllfa sy'n mynd i'r afael â rheolaeth amgylcheddol, cynaliadwyedd ac effaith gymdeithasol.

Mae modiwlau 1-3 y rhaglen yn mynd i'r afael ag elfennau penodol o gynaliadwyedd gan gynnwys datgarboneiddio, dim gwastraff, cymorth i systemau naturiol, cyflogaeth deg a chyfrifol, llesiant cymdeithasol a llesiant staff, ac effaith gymunedol. Yn y cyfamser, mae modiwlau 4-6 yn galluogi cyfranogwyr i ddatblygu eu strategaeth gynaliadwyedd bwrpasol eu hunain, gan integreiddio'r elfennau penodol i ddull cyfannol, hirdymor a fydd yn cyd-fynd â pholisi'r llywodraeth ar lefel Cymru a'r DU, sy'n cyd-fynd â strategaethau cynaliadwyedd corfforaethau mwy, ac yn apelio at gwsmeriaid. Mae'n ofynnol i bawb sy'n cymryd rhan gynhyrchu dogfen strategaeth gynaliadwy sy'n briodol i'w busnes erbyn diwedd y cwrs.

Llaeth y Llan



Soniwch ychydig am Llaeth y Llan

Yma yn Llaeth y Llan rydym ni'n cynhyrchu iogwrt arobryn ar gyfer ein brand ein hunain, labeli preifat, y gwasanaeth bwyd a B2B. Er ei fod wedi'i leoli ar y fferm deuluol yng ngogledd Cymru, sefydlwyd y Llaethdy ym 1985 mewn adeilad allanol wedi'i drawsnewid fel modd o arallgyfeirio'r fferm ac ychwanegu gwerth at y Llaeth oedd yn cael ei gynhyrchu yno. Rydym ni bellach yn gweithredu o gyfleuster modern pwrpasol, sy'n dal i fod ar safle'r fferm, gan gyflogi 60 o staff. Rydym ni'n cynhyrchu tua 300 tonnell o iogwrt y mis o dan ein brand ein hunain ac ar gyfer cwmnïau cenedlaethol eraill sydd ar gael mewn siopau lleol ac archfarchnadoedd mawr.



Llaeth y Llan



Beth yw eich ymrwymiad i gynaliadwyedd fel busnes?

Mae ein busnes teuluol yn cynnig tarddiad unigryw oherwydd ei leoliad, gan ddefnyddio llaeth o ffynonellau lleol o ffermydd cyfagos i gyd o fewn radiws o 20km, mae hyn yn ein helpu i olrhain ac yn ein galluogi i sicrhau bod ein llaeth yn dod o ffermydd â safonau lles uchel a'r cyfan yn cydymffurfio â Chynlluniau Sicrwydd y Tractor Coch.

Ein nod yw darparu ffresni bob amser heb fawr o effaith amgylcheddol.

Mae ethos y brand yn syml: lleol, blasus a gonest, ac rydym ni wastad yn ymdrechu i ddarparu'r gorau mewn cynnyrch llaeth trwy ein hansawdd, ein blas a'n defnydd o gynhwysion lleol. Rydym ni'n falch o fod wedi ennill llawer o wobrau am ein hansawdd uchel a'n harloesedd.

Wrth sôn am arferion cynaliadwy'r cwmni, dywedodd y Cydlynnydd Cynnal a Chadw a Chyfleustodau, Phil Thomas,

“Dydw i ddim yn meddwl y gall unrhyw fusnes fforddio peidio ag ymrwmo i fod yn gynaliadwy. Rwy'n credu bod cwsmeriaid yn mynnu bod gweithgynhyrchwyr yn gweithredu mewn modd amgylcheddol a chymdeithasol gyfrifol. Fodd bynnag, bydd yn broses sy'n esblygu dros amser yn unol â thechnoleg a chostau. Bydd gweithredu nawr yn helpu i ddiogelu ein planed ar gyfer cenedlaethau'r dyfodol.”



Pa wahaniaeth mae'r Rhaglen Hyfforddiant Cynaliadwyedd wedi'i wneud i'r busnes?

Rydym ni i gyd yn fwyfwy ymwybodol o'r argyfwng hinsawdd sy'n ein hwynebu a'r dinistr y gall gwastraff plastig ei achosi. Penderfynwyd bod yn rhaid i ni fel cwmni fod yn rhagweithiol ac y byddai'r Rhaglen Hyfforddiant Cynaliadwyedd hon yn ein helpu i ennill y wybodaeth a'r hyder i fynd â Llaeth y Llan ymlaen yn hyn o beth.

O ganlyniad i'r hyfforddiant hwn, rydym ni'n edrych ar gael achrediad ffurfiol ar gyfer ein hymrwymiad parhaus i gynaliadwyedd.

Ychwanegodd Phil:

“Roedd y cwrs yn addysgiadol ac yn llawn gwybodaeth ac yn amlygu pwysigrwydd cynhyrchu bwyd yn gyfrifol.

“Rwy'n arbennig o ddiolchgar am yr hyfforddiant a'r gefnogaeth a ddarparwyd drwy'r rhaglen hon. Mae'n bendant wedi hau'r hedyd i ni feddwl mewn ffordd fwy amgylcheddol, cymdeithasol a chynaliadwy a bydd yr ethos hwn yn naturiol yn dod yn rhan o'n diwylliant wrth iddo gael ei drosglwyddo i staff y dyfodol.”

www.llaethyllan.co.uk



Mae cyllid ar gael i gefnogi ein Rhaglen Hyfforddiant Cynaliadwyedd, ynghyd â llu o gyrsiau hyfforddi eraill. Yn gyntaf, bydd busnesau bwyd a diod cymwys yn cwblhau Teclyn Sgiliau Diagnostig gydag aelod o'n tîm sy'n helpu busnesau i nodi a blaenoriaethu anghenion hyfforddi. Os oes gennych ddi-ddordeb mewn gwybodaeth bellach, cysylltwch â ni heddiw.

Am ragor o wybodaeth am Sgiliau Bwyd Cymru cysylltwch â Lantra

www.sgiliaubwyd.cymru wales@lantra.co.uk
Ffôn: 01982 552646

Mae Lantra wedi cael cyllid gan Gymunedau Gwledig Llywodraeth Cymru - Rhaglen Datblygu Gwledig 2014-2020, a ariennir gan Gronfa Amaethyddol Ewrop ar gyfer Datblygu Gwledig a Llywodraeth Cymru i ddarparu Rhaglen Sgiliau Bwyd Cymru.